


COPIE

Vansekercantwoor

de aende Staten / op t' verfoeck van
meerder Secours / ghegheuen wt Groen-
wits / den vijfden february /
M. D. Lxxvij.




Ghedrukt

Tot Londen by

Thomas Barcker.

1 5 8 8.





Sekere antwoorde aende

Staten opt versoek van meerder
Secours.

I

In Hee-

ren ick en binde my
t'hans noch niet be-
droghen/maer tghene
daer ic my vozen ghe-
breeft hebbe/heb ic nu
sien ouercomen / ons
ghemeen Spreeck-
woort / diwelck wy in
Enghelant hebben/is
wter maten goet / te

weten: So wanneermen breeft dat yet quaets mocht ouer-
comen/hoe tselue meer openbaert/hoet beter is.

Tis nu een vierendeel Jaers dat ic u verwacht hebbe/est
hertelicken een so grooten weldaet die ic u ghedaen hebbe/
hebt ghylieden aen elck een met so grootē ondancbaerheyt
laten kennen/waerouer ick my binde qualick ghetraecteert
van u lieden. Tis wel vrent dat ghylieden zijt soo qualick
bedacht/van my te comen versoeken om meer secours est
hulpe/sonder dat ghylieden aen my reden gheeft van tgene
ghy my voorszeden ghedaen hebt / diwelc wel so vrent is ge-
weest/dat sweere ic by den leuenden Godt / dat ick niet en

A ij

mezende

meynde datter Volck ofte Staten meer ondancbaer ende
qualic bedacht gheuonden moghen worden/ als ghylieden
zijt. Ic hebbe v dese Jaren gesonden .xv. .xvi. .xvii. .xviii. duy-
sent mannen die ghylieden sonder betalinghe gelaten hebt/
deen laten steruen van hongher/ dander de speraet zijnde is
ghenootsaect gheweest ouer te loopen na den vyant: Is dit
niet om rasende te worden boorde Enghelesche Natie? ende
voor v lieden een groote schande/ dat de Engelsche segghen
moeten/ datse meerder beleeftheyt gheuonden hebben byde
Spaengiaerden als byde Bourgonnoyen/ ende seker ick
segghe v bymoedelic/ dat ic niet ghedoogen en can alsulcke
onvriendelicheden/ ende sal veel lieuer doen dat my belieft/
als ic soude willen/ so soude ic wel wat goets connen doen
sonder v. Niet yegenslaende dat ghy soudt mogen seggen/
dattet de Coninghinne van Engellant moet doen/ en tegene
sy doet is voor haer versekertheyt/ Maer neen ghy abusceert
v/ ten zijn niet van gnade perswasien/ en gelooft dat bylic/
dat ic wel den raedt sal nemen sonder v daer toe te roepen/
beter als ic wel doen soude met v. Nochtans en hake ic niet
na so grooten quaet/maer van ghelijcken en wil ic niet dat-
men my voorszont soodanighen propoosten.

Tis wel waer dat ic niet en soude begeeren den Spaen-
giaert soo na by my/ als sy my vyandt souden zijn: Maer
waeromme en soude ic niet connen leuen in rusten als wy
vrienden zijn/ want int beginsel van mijnen Rijcke hebben
wy altyts eerlic (als goede vrienden) metten anderen ghe-
leeft/ den Coninck van Spaengien ende ic/ dat meer is/ hy
heeft my ten houtwelick doen versoecken/ ende noch langhe
daer naer hebben wy gheweest in pays ende vrede/ sonder
datmen yet heeft gheattenteert teghens mijnen Persoon/
ende als ons soude ghelieuen/ comment alsnoch soo wel
doen.

Ab van dander syde: Ick hebbe ghesonden als Lieutenant naer mijner macht den Graue van Leicester / ende mijn meyninghe was / dat hy hebben soude het bewindt bande middelen ende Contributionen / maer ter contrarien heeft hy daeraf niet connen ghenieten / ende ghylieden hebt deselue ghehandelt / oock daer mede ghedaen als v goet ghedocht heeft onder v lieden. Ghylieden hebt hem ghegheuen den tijtel van tgouuernement / om onder pretext van diē al v quaet op hem te schudden / welcken Tijtel hy ontfanghen heeft sonder mijnen wille ofte wete / waer dooz hy steldt in halsarde te verliesen zijn lijf ende goet / zijn gonste ende fame van zijn Princesse / welck hem meest impoerteert / maer tselue heeft hy ghedaen om v lieden staet die heel wanckelbaer stont dooz te stercken. Wat auctoriteyt (bidde ic v doch) hebt ghy hem ghegeuen? het schijnsel van dien / ofte de welcmen soude moghen imageren? Tis seker met de luyden ghegerckt / hy is nochtans een Edelman ende Heere van eere ende raedt die ghylieden niet soo en behoort ghetracteert te hebben. Hadde ic so wel gheacordeert den tijtel die ghy my hebt willen gheuen / by den leuenden Godt / Ic en soude niet ghedacht hebben / dat men my also soude ghetracteert hebben / noch zijt ghylieden so qualicken bedacht / dat so wanneer daer yemant is die v telcken onderricht / dat ghy denselue alle quaet toe wenscht ende teghens hem roept ende tiert / ende daerentusschen den eenen om wech te draghen ende te salueren zijn gheldt ende goet / den anderen om gheschencken loopt fauoriseren den vyant de Spaengiaert / seer qualicken haer offitien bedienende. Gelooft dat sekerlick / dat Godt soodanighe straffen sal / die my wenschen so grooten quaet voor so grooten wel daet : Ende ghelooft dat bypelic / dat den Coninck van Spaengien hem nemmermeer op sodanighe sal betrouwen /

die de partijen die sy verwillicht hebben/verlaten hebben/
daer sy soo veel deuchden af ontfanghen hebben. Hy en sal
oock gheen gheloof gheuen tghene sy hem willen gelouen:
Noch dat meer is/ om te bedecken haer buylicheden/ gaen
sy skroyen dat de Coninghinne van Engelandt den pays
wilt maken sonder haer weten. Neen/ ic ware lieuer doot/
dan dat ic een oorlake soude zijn/ om te segghen dat ic mijn
belofte niet ghehouden en hadde. Ende alsoo de Princen
d'een d'ander wel hooren/ dat mach gheschieden sonder pe-
nants letsel/ want sy handelen met een maniere van doen/
ende verstant ende sinnen/ dwelc de particuliere personen
niet en souden connen doen.

Ghylieden zijt wel Staten/maer particuliere personen
int regard van Princen/ Sekerlick ic en soude niet beghee-
ren te doen sonder v lieden wete / ende en soude oock niet
laten veranderen die aucthoriteyt die ghylieden hebt onder
v/ noch v lieder Privilegie ende Costume. Van gelijken/
Ick en soude mede niet willen gedooogen dat ghy in v con-
scientie wert gheturbeert/ wat wilt ghy dan meer van my
hebben. Ghy hebt onder v lieden ghedaen een Publicatie/
datmen niet en moet spreken van pays/ met recht tis goet/
maer laet Princen daer mede gheworden/ so zijt tot verse-
kertheydt van haren state oorbooyt binden. Welver-
staende datmen v daer mede gheen letsel en doet / maer
weynich woorden diemen v seyt / daer behoort ghy mede
te vreden te wesen/ ende daer op te vertrouwen. Doe ick
yet tot uwen voordecle / ick wil daeromme te eerliker
getracteert wesen.

Woztaen sal ick lieuer deputeren Personagien van on-
sen Raedt om met v lieden te handelen / nochtans voor-
eerst wil ick seluer hooren ende sien wat my vooreden
gheschiedt is / ende daer af eerst voldoeninghe hebbe/
voor

voor ende eer ick deen of dander wil antwoorden op
tghene ghyliden my gheremonstreert hebt/ om
te hebben meerder secours oft hulpe/
ende sal v lieden voor desen tijt
hier mede laten/ sonder
meer te ver-
stoozen.

God saue the Queene.

